



TRA DÎDÈRÔ DÈRÎDÈRA.

- Machêrmêr', qu' v' èstèz don boune !
 - Dji m' a tote rafredî mins dji l' sé Bén qui dji n'a nén à z-awè peû po vos, m' fêye. Dji pinse qui dji va Bén dwarmu. Donoz-m' vosse mwin.
- Dji lî a doné.
- Come vosse keûr èst paujêre, i toktêye tot tranquile. Nén on tok pus wôt qu' l' ôte. I gn' a rén qui l' mète mau à s' n' auje.
 - Dji dwâ todî sins pont d' rûje. Todî Bén pâhûlmint.
 - Come vos èstoz ène Bén eûreûse.
 - Machêrmêr', v'z-alèz co d' pus vos dischandi.
 - V'z-avoz rêjon. A rvoye, m' binamêye. A rvoye, dji m' èrva.
- Mins èle n' a nén nd' alé, dmérer à m' riwêti èt deûs lârmes di s' mète à soude d' sès ouy. - "Machêrmêr', lî di-dj', qu' avèz don là ? Vos plorèz ? Dji seû tote anoyeûse d' vos awè cauzé d' mès pwin.nes !.."
- Tot d' chûte èle a r'clôt m' n' uch, distinde li crassèt èt s' aplonkî dsu mi. Èt di m' sèrer inte sès brès. Èle s' a sitauré a costé d' mi, dsus m' covèrte; s' vizâdje s' a clapé dsus l' mink, sès lârmes m' ramouyîne li massale. Èle sospiréve èt m' dire d' ène likotante vwè "M' binamêye soçone, i vos faut awè pitié d' mi !!"
- Machêrmêr', lî di-dj', qu' èsse qui vos-arive ? Vos sintèz-v' mau ? Qwè m' fauréve-t-i fé ?
 - Dji triane, qu' èle mi rèspond, dji tron.ne tote. On frèd d' mora s' a stramé pa-dzeu mi.
 - Vôriz, v' qui dji m' lève et vos lèyî m' place è m' lé ?
 - Non.na, a-t-èle dit, i gn'a nén dandjî qu' vos vos astampinche; lèvoz ène miète li covèrte po qu' dji puche m' claper à vos, qui dji m' richandiche èt qui dji guèriche.
 - Machêrmêr', lî di-dj', mins ça m' èst disfindu. Qwè z-è diréve-t-on si ça s' apurdéve ? Dj'a vèyu Bén dès bèguènes puniyes po dès afêres pus tènes qui çoula. A l' abîye d' Sinte Marêye, ène bèguène a sfî ène nût dins l' cayute d' ène ôte; s' èstéve si boune copène. Dji n' saréve vos dire li mau qu' on ènn' a pinsé. L' dirèctèu m' a sakants côps d' mandé si on n' avéve maury sayî d' dwarmu à costé d' mi èt m' a Bén dit di nén lèyî fé çoula. Dji lî a min.me djôzé dès doudouces qui vos m' fyoz; po mi c' n' èst qu' inocince, mins li n' vwèt nén ça tot parèy. I n' s' è fait nén l' min.me idêye. Dji n' vwè nén comint dj' a fait po roviyî sès consej. Dji m' avéve portant Bén promètu d' vos-è cauzer.
 - M' binamêye, m' a-t-èle di, autoû d' nos tot dwât. Nèlu n' è saura ène brokète. Vêci c'èst mi qui bistoke èt qui done dès punicions; l' dirèctèu po dire c'qui vout, pou ène binamêye i gn'a pont d' mau d' fé place à ène camaraude qu' a d' l' angouche, qui s' a dispièrté, èt què vneûwe, au mitan dèl nût èt maugré qu' ça fuche li mwêje sèjon, voye si s' soçone n' èst nén dins l' dandjî. Suzon, amon vos parints, n' avoz maury paurti vosse lé avou iène di vos soûs ?

- Qui néni, nén in còp !
- A l' astchèyance, n' l' aréve-v' nén fait, sins pu d' onte ? si vosse souû, tote apeurêye, a mitan mwate di frèd aréve vinu vos dmander d' lî fé ène place dilé vos, l' arîz rfusé ?
- Dji pinse qui non.na, don.
- Ni seû-dj' nén vosse machêrmêr' ?
- Oyi qui vos l' èstèz, mins c' èst disfindu.
- M' binamêye, c' èst mi qui disfind aus-ôtes, qui vos dit qu' vos l' poloz èt qui vos l' dimande. Lèyîz-m' mi richandi on p'tit momint et qui dj' ènn' aliche. "Donoz-m' vosse mwin." Dji lî a doné. "Tinoz, m' a-t-èle dit, pougnoz ! l' vèyoj qu' dji tron.ne, dji triane, dji toûne è mârbe." C' èstéve li vrèy. " O l' machêrmêr', a-dj' di, èle va tchère malåde ! Waïtoz, dji m' va m' racrapoter dsus l' bwârd èt vos vos muchèrèz èwouski fait tot Bén tchaud !" Dji m'a mètu dsus l' costé èt riléver l' covèrte. Èle s'a mètu à m' place. C' èst l' vrèy qu' èle n' èstéve nén Bén ! Èle frum'jîve di tos sès mimbe; èle mi voléve cauzer, voléve vinu pus près; èle ni poléve pus dire én mo, èle ni poléve pus bodjî. Èle mi dijéve tot bas :



"Suzon, m' binamêye, raprotchoz-vos don ène miète." Èle sitindéve sès mwins, dji lî a toûné l' dos; èle m'a assatchî; èle a stichî s' drwèt brès pa-dzo m' cwâr, a passé l' ôte pa pa-dzeû èt m' dire : "Dji seû tote èdjaléye; dj' a si frèd qu' dj' a peû d' vos djonde; dj' a sogne di n' vos pont fé do mau."

- Machêrmêr, i n' vos faut nén è nn' d' awè peû. Tot d' chûte èle a mètu ène mwin dsus m' pwètrène èt d' l' ôte m' a sèré; sès pîds èstfîne pa-dzo lès mink èt dj' aspouyéve dissu po lès lî richandi; èt l' machêrmêr di m' dire "A, m' binamêye, sintoz come mès pîds si sont râde rtchâfés ? ç' èst Bén pace qu' i gn' a rén po lès baurer dès vosses.
 - Mîns, lî di-dj', qu' èst-ce qui vos èspêche di vos richandi pa t'tavau parèy ?
 - Rén, si vos l' voloz.
- Dji m' a adon ritoûné, èle avéve risatchî s' camuzole. Dj' aléve fé l' min.me quand tot à trake on a bouchî deûs fwârts côps dins l' uch...

(A l' après dèl "Rilidjeuse.")